

“სტომატოლოგიური პროფილის სტაციონარული დაწესებულების სტაციონარულ სერვისზე პასუხისმგებელი პირის – კლინიკური მენეჯერის გადამზადების კურსი

(პროგრამა დამტკიცებულია საქართველოს შრომის, ჯანმრთელობისა და სოციალური დაცვის
სამინისტროს პროფესიული განვითარების საბჭოს 2017 წლის 30 ოქტომბრის N 9 სხდომის
გადაწყვეტილებით (რს- 488).

სასწავლო კურსი განკუთვნილია ექიმი-სტომატოლოგებისათვის, სტომატოლოგიურ კლინიკებში ხელმძღვანელ თანამდებობაზე მომუშავე ჯანდაცვის პროფესიონალებისათვის რომელთაც სურთ ცოდნის გაღრმავება ჯანდაცვის მენეჯმენტის კუთხით.

სასწავლო პროგრამაში განხილული პრობლემები შერჩეულია ქვეყნის ჯანდაცვის პოლიტიკისა და საქართველოს შრომის, ჯანმრთელობისა და სოციალური დაცვის სამინისტროს სტრატეგიული მიმართულებების გათვალისწინებით

პროგრამის მიზანი და ამოცანები:

მსმენელმა უნდა აითვისოს ჯანდაცვის მენეჯმენტის ძირითადი პრინციპების მოქმედების თავისებურებანი სამედიცინო დახმარების დარგში, ამ მიზნით მან უნდა;

- შეძლოს დამოუკიდებლად განახორციელოს კლინიკის ხარისხის მართვის გეგმის შედგენა და მისი განხორციელება.
- დაეუფლოს მოტივაციის პრინციპების გამოყენებას პერსონალთან და პაციენტთან მუშაობის პროცესში;
- შეძლოს დამოუკიდებლად განახორციელოს დაწესებულების ბიზნეს-გეგმის შედგენა.
- მიიღოს ზომები, რათა სამედიცინო დაწესებულებაში დაინედგოს მოწინავე გამოცდილება სამედიცინო საქმიანობის ადმინისტრირების დარგში

პროგრამა ითვალისწინებს ისეთი საკითხების განხილვას, როგორცაა:

- ჯანდაცვის სისტემის ფუნქციონირებისა და დაფინანსების ძირითადი პრინციპები;
- ჯანდაცვის მენეჯმენტის ძირითადი პრინციპები;
- სტომატოლოგიური სერვისები - სახელმწიფო პროგრამები და მართვის ასპექტები;
- სტომატოლოგიურ პაციენტთა ჯანმრთელობის დაზღვევა
- ჯანდაცვის ეკონომიკისა და დაფინანსების საფუძვლები (ფინანსური აღრიცხვა, სერვისის ფასწარმოება, დაწესებულების ბიუჯეტის შეგენის ძირითადი პრინციპები და სხვ.);
- სტომატოლოგიური მომსახურების ხარისხის პრობლემები;
- სტატისტიკური ანგარიშგების თავისებურებები;

სწავლების მეთოდები

ლექცია-პრაქტიკული მეცადინეობების ჩატარება, ჯგუფური სამუშაოები, დისკუსია, სიტუაციური ამოცანების განხილვა, კრიტიკული ანალიზი, შესაბამისი ლიტერატურის რეფერირება, პროექტზე მუშაობა და მისი პრეზენტაცია.

შეფასების კრიტერიუმები: დასწრება, ჯგუფური მუშაობა, დავალებები, წერიტი გამოკითხვა, ინდივიდუალური პროექტის მომზადება.

კურსის დასრულების შემდეგ მსმენელები შეძლებენ:

- სტომატოლოგიური დახმარების სისტემაში არსებული მოთხოვნებისა და პრობლემების პროფესიონალურ დონეზე გააზრებას;
- სწორი მმართველობითი გადაწყვეტილებების მიღებას პრობლემების კვლევის საფუძველზე;
- პაციენტზე ორიენტირებული ხარისხიანი მომსახურების მიწოდების შესაძლებლობების შექმნას.
- დაეუფლებიან მოტივაციის პრინციპების გამოყენებას პერსონალთან და პაციენტთან მუშაობის პროცესში;
- შეძლებენ დამოუკიდებლად განახორციელოს დაწესებულების ბიზნეს-გეგმის შედგენა.
- შეძლებენ დამოუკიდებლად განახორციელონ კლინიკის ხარისხის მართვის გეგმის შედგენა და მისი განხორციელება.

სასწავლო პროგრამის მოცულობა შეადგენს 150 საკონტაქტო საათს (ექვსი კვირა). მათ შორის 120 საათი განკუთვნილია ლექცია-პრაქტიკლებისათვის და 30 საათი პროექტის მომზადებისათვის და პრეზენტაციისათვის

სწავლება ხორციელდება კვირაში 3-ჯერ (შაბათის ჩათვლით) მსმენელებთან წინასწარ შეთანხმებული გრაფიკით.

სასწავლო კურსი ტარდება წელიწადში 6-ჯერ

პროგრამის განხორციელების ადგილი: გრიგოლ რობაქიძის სახელობის უნივერსიტეტის ახალი კორპუსი (თბილისი, აღმაშენებლის ხეივანი 13) უნივერსიტეტის მედიცინის სკოლის ბაზა (თბილისი, ჯანო ბაგრატიონის 6) და გრიგოლ რობაქიძის სახელობის უნივერსიტეტის აჭარის ფილიალის ბაზა (მახინჯაური) - აჭარისა და გურიის რეგიონში მომუშავე მენეჯერებისათვის.

მსმენელთა სასწავლო კურსზე ჩარიცხვა ხორციელდება როგორც ინდივიდუალურად (უნივერსიტეტთან სათანადო კონტრაქტის გაფორმებისა და მის ანგარიშზე სწავლის ღირებულების გადახდის საფუძველზე), ასევე უნივერსიტეტის მიერ ცალკეულ ორგანიზაციებთან სათანადო კონტრაქტის გაფორმების საფუძველზე.

სწავლის ღირებულება 300 ლარი.

გადახდა წარმოებს საბანკო გადარიცხვის გზით და შესაძლებელია განხორციელდეს ორ ეტაპად. კერძოდ, სწავლის დაწყებამდე 150 ხოლო დარჩენილი ნაწილი სწავლის დასრულებამდე არაუგვიანეს ერთი კვირის/5 სამუშაო დღის განმავლობაში.

კორპორატიული მსმენელებისთვის (ერთი დაწესებულებიდან 3 და მეტი მსმენელი), კურსის ღირებულება მსმენელზე შეადგენს 280 ლარს

მსმენელი იქნება უზრუნველყოფილი სათანადო სასწავლო მასალებით (როგორც ელექტრონული ფორმით, ასევე ქაღალდის მატარებელზე)

სასწავლო კურსის დამთავრების დამადასტურებელი მოწმობის გაცემა მსმენელის მიერ სწავლების წარმატებული დასრულების შედეგად გაიცემა სათანადო მოწმობა სასწავლო პროგრამის დასახელების და ხანგრძლიობის მითითებით.